

ODRŽAN SASTANAK SA PREDSTAVNICIMA UPRAVE ZA GEODETSKE I IMOVINSKO-PRAVNE POSLOVE HERCEGOVAČKO-NERETVANSKOG KANTONA I OPĆINE STOLAC

05.04.2024 22:39



Zajednički sastanak predstavnika Federalne uprave za geodetske i imovinsko-pravne poslove, Uprave za geodetske i imovinsko-pravne poslove Hercegovačko-neretvanskog kantona i općine Stolac je održan dana 5.4.2024. u Mostaru.

Tema sastanka je bila realizacija projekata i aktivnosti sektora zemljišne administracije na području općine Stolac. Na većem području općine Stolac još uvijek je na snazi austrougarski premjer, a u okviru projekta Registracije nekretnina usaglašene su četiri katastarske općine (Crnići, Aladinići, Pješivac i Prenj). Federalna geodetska uprava je pripremila pravni okvir i tehničke preduslove za nastavak procesa izlaganja podataka premjera i katastarskog klasiranja a ta se aktivnost realizira na teritoriju Federacije BiH.

Na sastanku je dogovoreno da i općina Stolac započne sa ovim aktivnostima kako bi se uspostavio katastar nekretnina zasnovan na novom premjeru. Razgovaralo se i o adresnom registru i drugim aktivnostima koje podržava Federalna geodetska uprava u koordinaciji sa kantonalnom geodetskom upravom, a koje su od interesa za jedinice lokalne samouprave.